

齊乘卷之四

益都于欽思容纂

古蹟

類例有四各以類書近而相證者則聯書不拘以類一曰城郭記古井邑二曰亭館該乎棟宇三曰邱壠邱陵墳衍系焉四曰志聞碑銘詩說終焉凡此皆古人之蹟也蹟于書者人存其政舉蹟于地者人亡其處在過黍離而興悲臨廣武而有歎曠千載而相感者其在茲歟

城郭

廣縣城○益都府南瀑水澗側漢廣縣故城元魏嘗以齊乘

卷之四

置青州遺址猶存土人目爲古青州

廣固城○府西北堯山下齊記云晉永嘉五年刺史曹嶷所築有大澗甚廣因之爲固故曰廣固初南燕慕容德議所都潘聰曰青齊沃壤號曰東秦地方二千戶餘十萬四塞之固負海之饒可謂用武之國廣固者曹嶷所營山川阻險爲帝王之都德從之及劉裕圍慕容超城側有五龍口險阻難攻兵力疲乏河間人元文說裕曰昔趙攻曹嶷望氣者謂滙水帶城未易攻拔若塞五龍口城當自破石季龍塞之嶷果請降後五日雷雨震開之慕容恪攻段龕亦塞五龍口龕遂降今舊跡猶存宜試修塞裕從之超城中男女

皆患腳弱病者大半遂出奔爲裕所擒此緣城閉日久氣鬱不通自然生病自古兵革閒多有之裕不學故爲元文所誑耳其城爲裕所夷無復遺跡

臨淄古城○臨淄縣北雉堞猶存齊記補謂齊古城周

五十里高四丈十三門其西雍門韓娥鬻歌之地又有稷門下立學舍所謂稷下學齊宣王聚文學游說之士鄒衍淳于髡田駢騶奭接子慎到環淵之徒皆賜列第爲上大夫縣北有大夫店由此取名不治而議號稷下學士荀卿嘗爲稷下祭酒又鄭康成云齊田氏時學舍所會號棘下棘稷音相近卽稷下也亦魯城地名左傳陽虎劫公伐孟氏入自東門戰于棘下西南有申

齊乘

卷之四

二

門門外申池左太沖賦謂之照華池郡國志謂之左右池卽系水原也北曰章華門史記蘇代自燕入齊見于章華門者是也城東北五里餘有雪宮遺址見寰

宇記又西北系水之側有梧臺水經注楚使聘齊齊王

饗之梧宮臺臺甚層秀東西百步亦宋愚人得燕石之處有漢熹平五年碑題云梧臺里又南歇馬臺土人以爲晏子作歌之臺或又以爲簡公之檀臺皆不可攷齊城在戰國時蘇秦謂城中七萬戶漢高又溺愛外婦子以齊言者皆封之故齊地惟此城獨大意其全盛之時車轂擊人肩摩連衽成帷舉袂成幕揮汗成雨者信不誣矣

石槽城○臨淄東十里卽古安平城因城內有石槽故名魯莊公三年紀季以鄆入于齊杜注齊國東安平

縣有紀季墓北有冢土人云徹無存冢疑卽季墓田單封安平君卽此

西安城○臨淄西三十里耿弇討張步謂西安小而堅

卽此東有畫邑城王蠋鄉也弇進軍畫中居兩城之間

路史云風俗通有齊大夫畫氏邑孟子宿畫畫在臨淄畫在西安今卽畫水號宿畱小畫乃畫之訛

不應有二

索頭城○臨淄東南二十里女水之南後魏慕容白曜

圍沈文秀于青州築此城因有索頭村

朱虛城○記云臨胸東六十里孔融爲黃巾賊所敗曾

保此城蓋融保都昌與此相近又有東陽城亦曰凡

齊乘

卷之四 三

城左氏曰晏弱城東陽又有校音效城武帝封城陽王

子雲爲侯臨原城封菑川王子始昌爲侯皆在臨胸

東見寰宇記

斟灌城○壽光東四十里寰宇記云斟灌城亦名東壽

光自金爲斟灌店按有窮后羿拒太康代夏政仲康子相立

依同姓諸侯斟灌斟尋氏羿相寒浞殺羿使其子澆

卽羿也殺斟灌以伐斟尋滅夏后相后緡方娠逃出自

竇歸于有仍生少康焉杜征南謂壽光縣東南有灌

亭漢北海郡有斟縣應劭謂平壽爲古斟尋東南有

斟亭京相璠曰斟尋去斟亭七里然則斟國在齊明

矣皇甫謐乃謂斟灌在衛臣瓚謂斟尋在河南引夏

都爲證顏監曰應氏止云樹尋本是禹後何預夏國之都乎瓚說非是

紀城○壽光南三十里春秋之紀國通志曰紀本在東海贛榆後遷劇亦稱紀城內有臺高九尺俗曰紀臺城旁有劇南城漢劇縣也爾雅云七達謂之劇驂北海劇縣有此路

王胡城○壽光北二十里古益都城也漢武元朔元年封菑川懿王子胡爲益都侯薨子廣嗣廣薨子嘉嗣元鳳三年坐非廣子免

益城○壽光南十里漢益縣城寰宇記以爲益都城云魏始于此立縣非是土人稱王子胡者正益都城耳

齊乘

卷之四

四

豐城○壽光西二十里輿地記本漢菑川國城司馬懿伐公孫淵北徙豐人住此改曰南豐城

樂望城○壽光東二十里漢宣帝封膠東戴王子先爲樂望侯今日王望店王望北十餘里又有古城土人名曰女直營金人屯兵之所

延鄉城○水經注千乘有延鄉城世謂之從城延從字相似野溝水出此西北入時水今樂安西北有此城漢元帝封李譚延鄉侯俗又云會城

千乘城○郡國志高苑縣北二十五里古千乘縣以齊景公有馬千駟畋于青邱得名縣北有青邱樂卽今清水泊也又子虛賦注曰青邱山名出九尾狐在海

外蓋瀕海耳漢高置爲郡和帝更名樂安國千乘縣
竝屬焉至隋開皇初移縣置廣饒此城遂廢其東復
有漢利縣古城云

被陽城○寰宇記高苑縣西南漢武封齊孝王子燕爲
被陽侯

廢濟陽城○唐景龍元年析高苑置在濟水之北尋廢
故城在縣北九十餘里

薄姑城○元和志在博昌東北六十里卽殷末薄姑氏
舊都今博興東北俗呼爲嫌城者是又書序成王伐
奄遷奄君子薄姑奄在魯不知薄姑又是何地

博昌古城○博興南二十里漢博昌縣城金須知或亦

齊乘

卷之四

五

呼爲薄姑城非是西對古城卽延鄉也

利城○樂安西北二十里漢齊郡利縣

平壽城○濰州西南三十里漢縣古城又有廢下密城

在州西三里隋開皇中於北海縣置濰州移下密縣

于此大業二年併入北海此謂西下密東四十五里

有東下密隋開皇中分下密東界爲膠東縣唐武德

初廢此城今在昌邑東南俗呼密城拒州不止四十

五里又東南有後魏皇興初所置膠東縣城州東南

三十里有漢桑犢城竝見寰宇記白狼水出小王莊

正桑犢地

廢昌樂城○濰州西五十里古緣陵春秋淮夷病杞諸

侯城緣陵而遷杞齊侯與之車百乘甲一千此城東南
南十餘里有營陵城又南安邱北海界上有起城營
陵卽緣陵見漢書注起卽杞耳在漢曰營陵縣元魏又曰
營邱謂卽太公所封者非是唐初權置杞州後爲縣宋改曰安
仁尋又改曰昌樂國朝至元三年廢入北海今廢城
內有玉華宮舊名神游觀宋宗室淄王瑞華堂碑刻
在焉

訾城○昌邑縣西北海濱春秋齊師遷紀邾鄆杜注
北海都昌西有訾城則鄆地俗呼爲瓦城半爲水漸
城南有孫武廟

營城○昌邑南五里有大營城北五里有小營城南城
齊乘

卷之四

六

卽古都昌不知何故謂之營城豈孔北海與黃巾相
拒屯兵遺跡邪

古諸城○密州西南三十里春秋時魯邑季孫行父城
諸及鄆

姑幕城○商侯國漢晉爲縣郡國志引博物記曰城東
南五里有公冶長墓寰宇記則謂長墓在密州西北
五十里姑幕在莒縣東北百六十里詳此則姑幕城
當在密州

昌安城○安邱縣之外城漢石泉城後漢併入昌安在
縣西南十里寰宇記謂之安昌城今按張禹封安昌
侯乃汝南之縣又云西南十二里有安邱城實一城

耳記皆誤

平昌故城○安邱南六十里漢平昌縣屬琅邪亦為侯

國文帝封齊悼王子卬為平昌侯後徙封膠西王

郿城○安邱西南六十里春秋齊遷紀邾郿郿杜注朱

虛縣東南郿城漢為梧成縣後魏于此置平昌郡高

齊改為琅邪縣隋改曰郿城大業末廢

淳于城○安邱東北濰汶二水交處古有此城按通志

武王封禹後東樓公于杞汴梁杞縣九世成公遷于緣陵

濰州昌樂至文公又遷居淳于號州公春秋州公淳于如

曹是也後為杞所并遷江南杞東樓之孫周亦封于

牟婁隱四年莒人伐杞取牟婁今諸城北有婁鄉安

齊乘

卷之四

七

邱南有牟婁山俗訛作朦朧山即其地

城陽城○安邱南八十里漢城陽國亦曰龍臺城城內

有臺高六丈臺下有井與荆水通矢物于井或于荆

水得之有神龍出入其中故曰龍臺

緡城○安邱南與郿城相近漢武封菑川靖王子成為

緡侯

計斤城○膠州南五里春秋之介根漢計斤縣語音有

輕重耳莒子初都此後徙莒今有兩塔對立曰東西

計斤

祓城音廢○膠州西南七十里漢祓侯國屬琅邪俗曰肥

城廢音之轉也記謂祓城無跡可考當在臨朐者非

是

黔陬城○高密縣西六十里兩城夾膠水而立縣道記曰黔陬秦所置在高密郡東北古介葛盧國也後移縣于膠水西相去三十里謂之東西二城高齊天保閒廢介葛盧墓在東城側

龍且城○高密西南四十里濰水之東楚將龍且所築水西卽且冢冢南曰梁臺韓信囊沙壅水之地亦曰城陰城

夷安城○路史云夷安古維國有維水寰宇記謂今高密縣理東南外城卽夷安城晏子萊之夷維人漢爲縣屬高密國詳此則今縣理正古夷安城西北舊城

齊乘

卷之四

八

乃宋縣耳

高陽城○高密西北三十里漢成帝封淮陽王孫竝爲侯一名膠陽亭大業末廢今有高陽村

稻城○高密西南濰水堰側土人呼堰爲趙貞女防南有高堤謂是岑彭冢皆謬此卽稻城遺跡春秋稱琅邪之稻自漢有塘堰蓄濰水以溉稻因名其城武帝封齊孝王子定爲稻侯郡國志亦謂之鄭城康成故宅在此旁有稻田萬頃斷水造魚梁歲收億萬號萬疋梁今其遺跡鞠爲榛莽矣

拒城○高密南三十里漢縣根艾水出此東入海今日拒城河

古膠西城○高密東南二十五里膠墨二水之間隋置膠西縣在此大業末廢于賊土人呼爲諸晏城以前有晏子冢故也

不期城○卽墨西南二十七里漢琅邪郡不其縣有太乙仙人祠及明堂武帝所起寰宇記云古城約周十餘里後漢改屬東萊晉於此置長廣郡高齊廢之隋開皇十六年于此城東北二十七里置卽墨縣今故城在縣西南

臯虞城○卽墨東五十里漢武帝封膠東康王子建爲侯以旁有王吉廟亦曰琅邪城又西有祝茲城漢初徐厲及康王子延年皆封祝茲侯而兩漢無此縣蓋

齊乘

卷之四

九

是鄉聚之名取爲國號耳公孫宏封平津霍光封博陸之類是也

壯武城○地記卽墨西六十里古夷國漢壯武縣屬膠東國晉封張華爲壯武侯今華廟在膠州西南卽壯武地

莒城○莒州治外郭周四十餘里內城周二十里子城周十二里寰宇記曰縣理在故城城三重皆崇峻惟南開一門無知之難小白奔焉樂毅攻齊守嶮全國列女傳齊人杞梁殖襲莒戰死其妻哭於城下七日而城崩琴操一說殖死妻援琴悲歌曰樂莫樂兮新而城崩相知悲莫悲兮生別離哀哉皇天城爲之崩說妻泣曰上則無父中則無夫下則無子人生之苦至矣乃放聲長號杞城爲之頽遂投水而死其妹

朝日悲之爲作是歌皆後來追述後說近是

海曲城○莒州東百六十里地有東呂鄉太公望所出後漢紀琅邪呂母結衆爲子報仇殺縣長起此赤眉皆其黨今有呂母固

曹公城○莒州南二十里魏武征陶謙所築今日五花營

高鄉城○莒州東南七十餘里漢侯國宣帝封城陽惠王子休爲侯晉永嘉後城廢疑卽今十字路城又有高廣

新山昆山皆漢侯國並在州南無迹可攷

箕城○莒州東北百里箕屋山下濰水出此漢宣封城陽荒王子文爲侯

齊乘 卷之四

折泉城○漢侯國記附密州亦云失其所在然水經折泉水出松山今日分流山在馬耳山西城當屬此地團城○沂水東北三十里城正圓因名團城隋開皇十六年嘗于此置沂水縣後廢爲鎮

蓋城○沂水西八十里蓋公先國陳仲子兄戴蓋祿萬鍾卽此漢爲縣景帝封王皇后兄信爲侯隋開皇中於此城置東安縣後廢入沂水

向城○沂水西南春秋隱二年莒人入向通志云沂州有古向城寰宇記云夜頭水一名向水經漢棹城南入海向城在莒縣南蓋今沂州之向城鎮是也

邳城○沂州東三十六里左傳定公十年叔孫州仇帥

師圍邠隋開皇十六年于此置臨沂縣大業二年移縣于今州理此城遂廢通志邠邑又在鄆州須城非是

卽邱城○沂州南五十里路史云祝邱祝融氏之後臨沂東南五十里卽邱城是也桓五年城祝邱齊魯之音祝卽相近漢爲卽邱縣至高齊廢今州西三十里乃漢厚邱城土人以爲卽邱州南卽邱爲新城皆誤開陽城○今日沂州北十五里古邠國祝融之後風姓又云夏禹之後昭公十八年邾人入邠杜注謂琅邪開陽開本作啓叔孫州仇城啓陽是也漢避景帝諱改爲開漢官儀曰洛陽城南東第一門始成夜有一

齊乘

卷之四

十一

柱止樓上開陽縣上言南門一柱飛去卽洛城門柱也光武建武四年封子京爲琅邪王初都莒莒有城陽景王祠神數下言宮中多不利京上書願徙開陽肅宗許之今城側有京冢廟

邠城○沂州東南百廿里通志曰邠邾姓子爵或曰嬴姓少昊之後春秋時邠子朝魯能辨古官仲尼師之城內邠子宣聖其廟後漢志邠有勇士亭古勇士萬邱欣也

王僧辯城○沂州東北四十里梁將王僧辯所築土人目爲諸葛城不知所據又州城東北有小營城晉元帝之發干戍營也

鍾離城○沂州西南百餘里路史云鍾離徐之別封今沂之鍾離城乃晉吳會處其後徙九江吳滅之郡國志謂此城楚將鍾離昧所築按韓信傳昧家在伊盧東海戚胸有此邑城或於其鄉邑耳昧素與信善羽敗昧亡歸信信時爲楚王及高祖僞游雲夢信恐見禽或說信斬昧謁上必喜亡患昧曰漢所不取楚以昧在公若捕我以自媚吾死公隨手矣乃罵信曰公非長者卒自剄信持其首謁陳爲高祖所擒先儒謂李廣之不侯以斬灞陵尉欽亦謂信之不終以負鍾離昧且樊於期以窮歸燕太子丹猶不忍負況昧楚之忠臣已之良友以窮來歸乃始容而後負之可乎

齊乘

卷之四

十三

以信之智獨不能如魯朱家爲季布地乎信罪大矣襄賁音肥城○鍾離城相對漢末劉虞初封容邱侯進封襄賁侯虞鄉人也故封鄉國俗訛作鑿城

古費城○費縣西北二十里古費伯國姬姓懿公之孫後爲季氏邑顓臾城在北所謂固而近于費

古武城○費西滕東兩縣之間子游絃歌舊邑

南成城○費縣南百餘里齊檀子所守漢侯國屬東海因南成山而名漢末黃巾之亂鄭康成避難此山有註經石室

祊城○本陽口城左傳隱公八年鄭伯請釋泰山之祀而祀周公以泰山之祊易許田許在鄭地祊卽此城寰宇

記云自漢費縣移理祊城後魏太和間自祊城移縣于陽口山隋開皇三年復自陽口移入祊城卽今縣理也土人乃以陽口城爲祊城又呼爲許田城皆誤古承縣城○嶧州城西北小城寰宇記曰前承縣理今縣西一里漢承縣古城也晉已後蘭陵郡或理今州城或理鄆此城自爲承縣宋始移焉

古鄆城○嶧州東八十里夏少康封少子曲烈于鄆傳國至春秋襄公六年莒滅之後屬楚漢晉竝爲繪縣其後省入蘭陵隋初鄆州理承縣城大業二年始移蘭陵郡理此後爲山賊左君衡所據唐武德初平賊復置鄆州理此城

齊乘

卷之四

三

郟城○鄆城南邾夷父顏有功于周次子友父別封小邾爲魯附庸居於郟樂史云郟城在承縣土人曰小灰城小邾之訛也

蘭陵城○州東南六十里古魯之次室邑列女傳魯次室女倚柱而歎曰君老太子幼諸女笑之次室女曰君老必愚太子幼必悖愚悖之間其亂必生竟如其言次室邑後爲楚地改曰蘭陵春申君封荀卿爲蘭陵令城南有荀卿墓城北有蕭望之墓欽按君老子幼不得伊周之付託必亂然未亂而先見者少矣以荀卿之智尙不鑑黃歇之敗次室女其賢乎

偃陽城○州南五十里古妘姓之國祝融之孫陸終

第四子求言封于偃陽後爲晉所滅後漢爲傅陽縣屬彭城

古薛城○勝州東南五十里薛任姓顓頊少子陽封于任十二世孫奚仲爲夏車正禹封爲薛侯遷于邳至孫仲虺爲湯左相復居薛六十四世至愍侯洪爲齊所滅奚仲廟在城中墓在城南齊封靖郭君田嬰于此郡國志孟嘗君時薛城中六萬家其城高厚無比以抗楚魏也至今多英傑子弟蓋有文之遺風文父子墓竝在焉水經註云冢結石爲郭作制嚴固瑩麗可尋今墓已開發內如宮室以銅鐵鑄壁扣之有聲堅不可動

仲虺城○俗曰斗城薛城西三十里晉太康地記曰奚仲遷

齊乘

卷之四

十四

于邳其後仲虺復居此澗水經城北西入于泗

滕城○州西南十五里古滕國城秦縣之漢初夏侯嬰初爲滕令號滕公因秦舊孝武改爲公邱故地志以爲公邱城

濫城○州東南六十里左傳邾黑肱以濫來奔又名昌慮城後漢建安中曾于此立昌慮縣有藍鄉卽此邑或又名戚城漢戚胸縣亦屬東海

古邾城○鄒縣南周武王封祝融安期之裔挾于邾爲魯附庸十二世至儀父始見春秋齊桓興霸儀父附從進爵稱子又十四世至邾文公乃遷于繹繹本鄒山故亦稱鄒此城蓋其始封之邑也漢嘗以爲南平

陽

鄒城○嶧山南二里邾遷于繹依繹山以爲邑漢志曰城東門外有韋賢墓今此山前古城猶存石表大刻曰漢丞相韋賢之墓此亦漢縣也

逢陵城○般陽府東北四十里逢伯陵商之諸侯封于齊薄姑氏代之後太公又代之逢蒙逢丑父皆其後或曰此卽丑父之邑也

反蹤城○般陽北記謂齊景公失馬尋蹤遂得于此輿地記云魏明帝景初二年以遼東新沓民渡海來歸于此置新沓縣以居之

萊蕪城○般陽東南六十里齊靈公滅萊萊人播遷于齊乘

卷之四

五

此邑落荒蕪故稱萊蕪後漢范史雲爲萊蕪長清儉守節百姓歌之曰甑生塵范史雲釜生魚范萊蕪卽

此邑城西有韶山出鐵代置鐵官范史雲名丹

於陵城○長山縣南二十五里風俗通曰陳仲子齊世家辭爵灌園居于於陵史記謂於陵在楚路史謂於陵商世侯國在淄之長山者是余按仲子亦高潔矣孟子但譏其避兄離母或至敗倫亂俗後世亦曷常有斯人哉正足以勵衰俗耳

高苑故城○長山北二十里苑城店因此名

古濟南郡城○長山西北蓋漢濟南郡理也

曲成城○萊州東北六十里海邊漢曲成縣三山萬里

沙皆在此晉改爲曲城隋末廢唐武德四年復六年又廢

當利城○萊州西南四十里漢當利縣至高齊廢又有陽樂城在當利北陽石城卽陵石侯國在當利南皆漢縣也見十三州記

臨胸城○萊州北二十餘里漢縣顏監曰齊郡已有臨胸而東萊又有此縣各以所近爲名縣道記城在海水祠北約五六里去海二十里然今海廟宋初所建去海才二三里與古不同矣

沙邱城○萊州北相傳商紂所築始皇崩處按史漢皆云沙邱在鉅鹿縣此後人附會

齊乘

卷之四

六

挺城徒鼎反○萊陽縣南七里漢挺縣屬膠東國

廢昌陽城○萊陽東南二十餘里隋大業間築唐永徽初爲水壤

長廣城○萊陽東五十里獫狁澤在酉漢縣屬琅邪後漢屬東萊高齊置長廣郡于中郎城後移郡于膠東此城遂廢此卽中郎故城耳郡國志石勒遣中郎將百同築此以防海故名中郎城

古卽墨城○膠水縣東南六十里正田單火牛城也漢膠東國領八縣理此俗曰朱毛城北數里有樂毅城毅圍卽墨時所築

平度城○膠水縣西北六十里漢縣膠水經此城北入

海又盧鄉亦漢縣高齊併入膠東故城在平度南十餘里

繇城○登州南十五里此亦有羽山相傳是魏將田預所築城近羽山取殛繇爲名

烏湖戍○登州北海中二百六十五里

大謝戍○北海中三十里二戍皆唐太宗征高麗所置後遂爲鎮永徽始廢

故牟平城○州東南九十里漢縣城高齊天保七年移縣置馬嶺山此遂廢

古萊子城○黃縣東南二十五里古萊子國都地名龍門山峽之間鑿石通道極爲險隘土人曰萊子關路

齊乘

卷之四

七

史謂卽萊朱國

大人城○黃縣東北二十里司馬懿伐公孫淵築此城以運軍儲

徐鄉城○漢縣蓋以徐福求仙爲名成帝封膠東恭王子煥爲侯

士鄉城○鄭康成謂越有君子軍齊有士鄉城圖記皆云在黃縣按管仲制國爲二十一鄉工商之鄉六士鄉十五豈一城邪

甗城○黃縣西南二十五里漢縣有百支萊王祠高齊天保間廢

腫音繩城○寧海州東三十里秦漢負海縣後併入牟平

唐初置清陽縣後廢入文登城對之朶山臨清陽水故名清陽城清陽漢志作聲洋丹水所出東北入海育犁城○寧海州西北八十里漢縣後漢省入牟平在瀕港水側其地良沃故名育犁

東牟城○寧海州文登縣西北十里漢縣高后封齊悼王子興居爲東牟侯

不夜城○文登東北八十里海濱漢志云古有日夜出見于東萊萊子立此城有成山日祠雞鳴鳥解道虎云不夜在陽庭城東南陽庭有青城山始皇射魚處今按青城山卽之朶山也因腫名清陽城故之朶號青城山陽庭卽腫城是

齊乘

卷之四

六

東平陵城○濟南東七十五里春秋譚國齊桓滅之古

城在西南龍山鎮相對

史記齊世家作邾杜征南謂譚在濟南平陵邾乃東海邾

縣從春秋則當作譚以桓公奔莒過邾邾相近則當作邾

漢爲東平陵縣右扶

風有平陵故此加東文帝封齊悼王子辟光爲濟南

王都此東晉時此城北石虎一夕移于城南有狼狐

千餘隨之迹皆成蹊趙王石虎遂起南寇之計歷代

皆爲縣宇文周始廢隋亂土豪李蒲據城歸唐武德

二年置譚州平陵縣以蒲爲總管貞觀中州縣相繼

俱廢都督齊王祐反土人李君求房繼伯等據縣不

從抗表以聞太宗嘉之勅曰齊州平陵百姓自隋末

至今常懷忠誠不從寇亂宜加優獎以旌義烈縣依

舊置改名全節其後廢入歷城此城漢爲王都唐爲州治故周二十餘里雉堞高峻三齊記以爲殷帝乙之都按書序自契至湯入遷自湯至盤庚五遷竝無都齊者況帝乙乃武乙之子紂之父也武乙帝乙皆居朝歌逮紂而亡豈在此地城西北有陰地數畝天色澄霽亦若雲陰迫視則無記謂青州有地鏡水影蓋亦此類

平陵西北十五里有廢奉先縣城

鮑城○濟南東三十里鮑山下禹裔有鮑叔仕齊食采于鮑因以爲氏鮑叔生叔牙進管仲于齊桓其後世爲齊卿鮑城見三齊記山因城名遺山濟南行記作

咆山誤也

齊乘

卷之四

九

臺城○濟南東北十三里漢高初封戴野爲臺侯又有平臺城漢縣也在臺城北五十餘里俗曰故軍城

營平城○濟南東三十里漢縣宣帝封趙充國爲營平侯隋唐皆置營城縣後廢入平陵餘見郡邑

巨合城○濟南東七十五里水經云巨合水南出雞山北逕巨合城耿弇討張步進兵先脅巨里卽此自宋爲龍山鎮

祝柯城○濟南豐齊鎮東北二里周武王封黃帝之後于祝春秋祝柯齊邑漢爲祝阿縣唐以縣南有廢禹息城改曰禹城禹城移理遷善村此卽祝城也西北有野井亭郡國志云卽齊侯唁公子野井

高唐城見亭館

陽邱城○章邱東南十里漢縣文帝封齊悼王子安爲陽邱侯後漢省至高齊乃以黃巾城立章邱縣

寧戚城○章邱東北三十里水經註楊緒水經寧戚城亦漢孝武封魯恭王子恬爲寧陵侯之邑

朝陽城○章邱北二十五里漢初封華寄爲朝陽侯高齊廢入章邱隋復置改曰臨濟唐屬齊州宋咸平四

年復省入章邱以其地爲臨濟鎮古城在鎮東杜預云西北有崔氏城丁公邑

樂安城○章邱臨濟鎮東北八十里地志以爲漢千乘郡後更爲樂安國乃在高苑此蓋漢元帝封匡衡侯

國耳

齊乘

卷之四

辛

亭山城○章邱西南六十里宋元嘉中于此置濟南縣屬頓邱隋開皇初改曰亭山唐元和中省入章邱

管城○章邱臨濟鎮北記引晉太康志以管叔之後封于此齊滅管故其子孫仕齊愚按書稱致辟管叔古

史謂管叔鮮罪大無後管夷吾出自周穆王至夷吾始顯豈管叔之後邪鄭州管城乃管叔所封魯有管

邑大夫采地惟齊無管城此卽漢之管城而傳寫致誤

鄒平故城○鄒平西南二十里俗曰趙臺城唐武德初置縣于此後移理今縣城遂廢

隋濟南城○鄒平東北十五里隋開皇中于此置濟南

縣大業初廢入長山

梁鄒城○鄒平東南三十五里漢梁鄒縣高齊天保間自長山界內濟南故城移平原縣于此城隋開皇初自此移縣入鄒平

豐齊城○濟南豐齊鎮南漢在縣唐天寶元年改爲豐齊元和十五年廢入長清地產半夏極佳

濟北城○長清縣西三十里

盧城○長清縣南五十里隱三年齊鄭盟于石門尋盧之盟杜注云盧盟在春秋前莫知年代盧卽齊地濟北盧縣故城是也

舊州城○北舊州城棣州南四十里唐棣州理此城五

齊乘

卷之四

三

代梁刺史華溫琪以河水爲害又南徙十餘里土人謂之南舊州城至宋大中祥符四年清河水復犯此城乃移州北置今理

富平城○陽信東南十餘里張安世子延壽徙封之邑亦名邵城西晉末邵續與段匹磾弟文鴛合兵攻石勒屯此城元帝以續爲平原守後爲石季龍所破

陽信古城○本縣西南七里俗呼城子務

馬嶺城○陽信東十里後魏移厭次理此

大營城○濱州西二十五里金人屯兵所築故丁河口

金號鐵門關

權鹽務○州北門外五代之際所置遺跡尙存

鬲城○德州西北古有鬲國漢縣

鄆城音輪○平原西南三十里漢縣屬清河後漢封馬武

為鄆侯即今夏津縣

重平城○德平西北三十里漢渤海重平縣後魏大明
間亦置高齊廢入平昌

繹幕城○平原西北二十里漢縣屬清河高齊省入平
原

般城○鉤般河得名郭璞曰水曲如鉤流盤桓也漢縣
高齊廢後為水毀

厭次古城○德州東北二十里本漢富平縣明帝更名
厭次元魏時縣東徙馬嶺此其古城

齊乘

卷之四

三

韓信營○平原縣相傳信渡平原襲齊營于此

亭館上

益都宣聖廟○府城西北隅有摹嶧山秦碑極精製旁

刻云嶧山秦刻磨滅久矣宋初惟江南徐鉉有摹本

贊皇李建中傳寫得之遺余會祖金紫公傳子孫四

世踰百年靖康建炎兵火相尋舊藏文籍散落殆盡

獨此刻僅存命善工勒于青社郡舍阜昌甲寅河南

李仲坦志下刻云盜發文篋褫去皇帝立國惟初六

字不復敢補上下刻志五節不能備載石雖豐校鄒

嶧摹本有閒矣有崇寧經史閣碑

州縣廟學不煩載有古金石則書

龍興寺○府城西北隅修身坊宋碑云寺即田文宅蓋

本唐封演見聞記云青州南城佛寺舊傳孟嘗君宅有
有二十大鑊造食供客大者容四十石小者容三十石
李伍毀爲兵器詳考圖志實非孟嘗君宅乃南史劉
善明宅耳碑陰金人刻曰宋元嘉二年但呼佛堂北
齊武平四年賜額南陽寺隋開皇元年改曰長樂又
曰道藏則天天授二年改名大雲元宗開元十八年
始號龍興今寺內有飯客鼓架寺東淘米澗南史劉
善明仕宋爲北海太守元嘉中青州饑人相食善明
家有積粟自作饘粥開倉賑救鄉里皆獲全濟百姓
呼其家爲續命田圖志相傳劉善明宅飯客鼓淘米
澗皆當時事豈善明亦嘗事佛故在宋止呼佛堂後

齊乘

卷之四

三

因捨以爲寺且青州城晉羊穆之始築戰國時未有
此城田文何故宅于曠野蓋後人止慕其名謂能飯
客者必斯人而隱沒善明之高義不得不辨寺有北
齊八分碑制刻精妙碑陰大刻四字曰龍興之寺蓋
唐人續刻者寺後天宮院古老柏院也有石刻布衣
張在詩云南鄰北舍牡丹開年少尋芳去又回惟有
君家老柏樹春風來似不曾來旁刻云青州教授畢
仲愈元豐六年至洛謁太尉文公公曰昔范諷補之
好論詩嘗曰青州富庶地宜牡丹春時游樂之盛不
減洛陽古今人作詩者甚多而布衣張在一絕最爲
可愛補之爲余誦之誠有意思皇祐中余爲書守大

書于西廡之壁今三十年矣子歸試往觀之仲愈還至老柏院其壁已壞因題于天宮院之石柱俾匠者刻之張生之詩既爲四方所傳而詩之所自不可不知也故具書公語而刻于左

城隍廟○龍興寺東耆舊相傳金正大閒益都有潘府尹者暮見城隍來謁曰公昔典漕枉殺二人今以相付卽有二鬼相隨驅之不去逾年尹死今上清宮潘尹故宅也柱上猶有斲鬼刀痕事極可怪如近歲濟南憲司有徐好古僉事由分司歸常鬱鬱不語一夕家人熟寐好古忽起抽刀先殺其妻又殺其長子婢媵死者數人惟幼子突窻間得逸徐乃自屠出腸而

齊乘

卷之四

一

死竟不知其故其居宅後棄爲照磨廳事愚到官始毀之而建架閣庫焉此事衆所目擊四方共聞潘尹事亦不誣矣慮刑者可不戒哉○廟亦隨郡皆有亦不煩載餘如東嶽行祠府君三陵諸祠皆然

普照寺○府東北隅美政坊古名皇化寺僞齊劉豫改名普照相傳南燕主慕容行宮金大定碑刻存焉寺後東陽陵慕容德虛葬之冢近歲始爲人所夷

太虛宮○普照寺南初金季有全真道士邱長春自棲霞西入關過益都知府事徐君館之長春相其宅曰此福地也徐卽施與之遂卜築焉井鹵不食使弟子誚茶投之卽成甘泉

海岱樓○府城內其西宣慰司公署皆金統軍司衙也
金人有榮鎮中和二堂

范公亭○府西門外文正公知青州有惠政陽溪側出
醴泉公構亭泉上民感公德皆以范公目之燕談云
環泉古木蒙密塵迹不到去塵市數百步如在深山
中幽人逋客往往琴詩試茗于其間真如物外之游
也最爲營邱佳處歐陽文忠公劉貢父張禹功蘇唐
卿諸賢多賦詩刻石置亭中其後金人亦有醴泉碑
兵後俱亡

表海亭○府城北南陽橋北惟古臺存焉取左傳世胙
太公以表東海爲名不知創于何代自歐陽文忠公

齊乘

卷之四

三

知青州已有詩近代任君謨詩有石刻兵後不存有
錄之者竝載于後

富相亭○府南瀑水澗側富文忠公知青州所建歐公
游石子澗詩謂富相公創亭後人又建冰簾堂皆廢
微醉翁筆先賢遺跡殆將泯焉

武成王廟○府北舊城內有宋大中祥符元年真宗御
贊碑存焉

碑亭○舊城北世祖皇帝平李瓊後賑卹青人民立聖
德碑翰林閻復子靜文

國王廟○舊城北王名木華里招降李全有德于青人
故立廟

郭大夫廟○齊記補曰劉裕旣夷廣固城齊人郭大夫相水土勸羊穆之築東陽城爲青州後人爲大夫立廟于雲門山前或云益都城在山陰其雲門劈山皆始城者疏鑿以宣風氣審爾豈大夫所爲乎府東五里泃水東岸有郭朴墓碑土人以爲卽大夫之塋也

三元閣○舊府城內寇萊公典郡日所建今廢

羅漢洞○府西山中疑卽齊記補所載七級禪寺

常將軍廟○臨朐穆陵關上齊記補曰將軍秦昭宣帝時爲大峴戍主建元中戰沒後立廟此山皆石爲之按通鑑晉孝武太元九年謝元乘秦亂遣兵攻青

齊乘

卷之四

三

州降之時苻堅建元二十年也將軍蓋與元戰死唐沈亞之沂水雜記又云沂水北一百里有將軍峴甚靈民置祠路左將軍曾爲五郡牧姓常名元通因築城失主將意斬之其屍數日不仆有臺曰立屍臺臺西南曰鞍山山北有關曰穆陵關李師古不臣作鎮于此元和初罷之南有沂山山有廟卽東安公也沂州刺史每春月禱于是山山有谷九十九所河分八大曰沂曰汶汶東注維沂南流入清沂山東南有山曰太平山頂平可八九十里頃歲有寇曾居之山北十餘里有樹五壇此亞之記所說常將軍事迹與齊記補不同而齊記補近是今兩存之五壇者劉裕伐

南燕兵過大峴而喜曰兵已過險士有必死之志餘糧棲畝人無匱乏之憂虜已入吾掌中矣遂設祭天五壇遺址尚存

治官祠○臨朐南治原酈道元曰熏治水出西溪溪上有治官祠廣雅云金神謂之清明蓋古治官故取稱焉水色澄清特異中有古壇遼岸凌空疎木交合先公太和中作鎮海岱余總角之年侍節東州此實栖游勝地澗水燕談曰青之南有治原昔歐冶子鑄劍之地山奇水清旁無人烟叢筠古木氣象幽絕富韓公之鎮青也聞劉孟節先生累官不起欲隱此地乃爲築室泉上爲詩以贈曰先生已歸隱山東人物空

齊乘

卷之四

三

古碑猶存而境物因人之勝則蕩然矣

阿育王塔○臨淄城西高僧傳石虎于臨漳修治舊塔少承露盤佛圖澄曰臨淄阿育王塔地中有佛像承露盤虎掘得之齊記補云唐太和中建寺五代無棣僧道圓居之與宋太祖有舊加號蓋國大師增塔爲十二級祥符中更名廣化寺又載黃康弼詩云齊野非吳渚支郎是子陵釣臺千古月寶塔萬年燈又臨淄東南天齊淵側有石佛三尊各長丈有八尺不知年代

古天齊觀○臨淄城內金大定間道士楊善淵卜此地建三清觀掘得古甄志云大齊丙戌二年南郭石羊

巷楊道圓施花甎三千在天齊觀因知此地高齊時
天齊觀故基也今南郭石羊猶存

呂仙翁祠○博興城內祠即韓氏酒壚仙翁嘗飲于此
書屋壁云呂嵒獨酌洞濱宣和壬寅六月書凡十三
字後盜焚民居殆盡惟韓氏室完土人因名爲辟火
符靖康間邑人乃于社稷壇碑陰模勒仙書立于祠
前社壇碑亦宣和間物圖志攷訂極爲精妙可爲後
法愚按仙翁游人間多稱回道人如沈東老詩類是
也惟此顯書姓名賓字復加水豈以辟火而然邪州
北三十里居民張氏家亦有祠擣衣石上隱然飛劍
形影

齊乘

卷之四

天

錦秋亭○博興東南城上中統間邑人所建取坡詩命
名蓋齊地蓄時般灤衆水瀦爲馬車瀆以入海博興
宛在水中舟楫交通魚稻成市昔常過之愛其風景
絕類江南賦詩亭上云霜風收綠錦萬頃水雲秋海
氣朝成市山光晚對樓舟車通北闕圖畫入南州且
食鱸魚美吾盟在白鷗其鱸雖小亦四腮不減松江
有蓴菜齊人皆不識日鱸爲豸魚云

孔北海祠○濰州公署後北城上宋政和四年太守安
陽韓公建又有論古堂亦韓所構今皆廢論古堂碑
略云學術如逢紛庸譚郎宗鄭康成甄宇徐房徐幹
孝友如淳于恭王哀王閻呂元簡節義如禽慶王修

杜松贊正直如牟融周澤王儀是儀韓熙操尙如公
沙穆邴原王昕隱德如逢萌管寧知人如郎顛高構
高義如孫嵩劉敏元政事如滕撫張允濟皆足以振
揚英聲扶持風教接邦人于道哀其像而繪之名其
堂曰論古掖縣簿劉杲卿文與祠堂碑金人修城記
三碑竝立于城上州署扁曰靖恭亦有政和石記存
焉

玉清宮○濰州城北邱長春弟子尹清和建長春在漠
北還書誠清和曰勿化小末人出家蓋道非薄質可
受亦名言也書有石刻存焉

寒亭○濰州東二十五里夏諸侯寒伯明之國寒泥者
齊乘

卷之四

三

伯明之讒子也伯明棄之有窮后羿收之以爲已相
泥遂殺羿因羿室生澆及豷使澆殺斟灌以伐斟尋
滅夏后相后緡逃歸有仍生少康焉有田一成有衆
一旅能布德兆謀以收夏衆卒滅寒泥復禹之績此
寒國也自古圖志皆載寒亭而俚俗之談極陋以齊
無志書故也

斟亭○通志云濰州東南五十里古斟尋國漢北海郡
亦有斟縣京相璠曰斟尋去斟亭七里杜征南云壽
光縣東南亦有灌亭今按惟壽光之灌城濰州之寒
亭在焉餘皆廢蓋古人圖志詳明故國廢城皆立亭
以爲表志後世蕩析不存爲可惜也

信公祠○澠水燕談云蕭檝字大珍後梁宗室爲青州刺史有惠愛篤信于民及死民爲立祠千乘縣西諡曰信公嘉祐中祠廢重修今有信家莊

蓋公堂○密州城內東坡建記以醫爲喻意在介甫比聞爲勢家所奪碑記恐不存矣欽按曹參百戰餘勇宜其剛銳自視無前及爲齊相乃能賓師蓋公以清靜化民稱爲賢相後世武夫健將能若是乎此古人所以不可及也

超然臺○密州北城上坡記曰城之北因城以爲臺舊矣稍葺而新之余弟子由適在濟南聞而賦之且名其臺曰超然石刻具存

齊乘

卷之四

三

城陽景王廟○莒州城內祀漢朱虛侯劉章章齊悼惠王子誅呂有功文帝封爲城陽王漢時惟高廟有神靈王莽畏而毀之城陽廟亦靈異琅邪王京遷都避去赤眉軍中猶鼓舞之蓋其英烈之氣有乃祖之風廟久廢州署內有古槐半體如枯槎而根葉敷茂相傳是章手植益都舊城北南陽水上古亦有廟遺址尙存

馬鬣山神祠○莒州南馬鬣山宋政和四年勅額惠感廟

夷吾亭○蒙陰西北堂阜鮑叔解管仲縛于此今名憚阜音轉也

庸生廟○膠州城西門外冢在廟旁而地記又云庸生宅在掖縣非是

石白島龍祠○膠州海邊宋紹興三十一年封佑順侯賜額濟廟完顏亮南侵遣舟師由海道趨兩浙宋將李寶遇于膠西海口禱于神祠得風助順遂殪金師故加封

靜治堂○沂州公署後堂宋人建有元祐六年新搆蓮花漏碑云刻漏之法莫如燕公潼川之制訪求得之于營邱之白門蓋歐陽文忠公因燕公之舊而新之者又參取翰林蘇公子瞻所爲彭門記者而制焉靜治堂後舊有香林館思賢堂雨聲軒三休亭平野亭

齊乘

卷之四

三

惟靜治平野三休在焉至元初碑云宋時郡治堂宇壯麗耆舊猶能道之兵後焚毀無遺僅存而可考者惟金防禦使鄭景純一碑而已景純有南柯子十愛詞石刻王黃華雨聲軒碑亦存

普照寺○沂州城西金皇統四年仲汝尙碑云當子城西南有古臺臺西有廢池耆舊相傳臺曰曬書池曰澤筆東晉王右軍故宅也往歲得斷碑于土中謂招提復興于後魏唐賜額開元宋崇寧初詔改爲天寧萬壽禪寺逮廢齊居攝專用苛政理國知衆不附尤狹中多忌凡浮屠老子之居一切廢革遂易天寧爲普照云按寰宇記此名永嘉臺琅邪王睿所築與此

不同記又云沂州東北三十八里故臨沂城南有王導故宅亦無跡可攷

柳毅廟○沂州艾山宋元豐二年封靈鎮侯政和五年賜額昭應

醜神廟○艾山東厚邱城側周禮族長祭醜醜災害神主生蠶螟故祭之因合衆飲酒後世遂有醜賜

蒼山廟○沂州南蒼山宋元豐三年封豐德侯政和六年賜額靈豐

昭濟王廟○費縣蒙山神宗熙寧八年賜額靈顯廟封潛應侯元祐七年進封公大觀二年封昭濟王政和五年封昭濟惠民王

齊乘

卷之四

三

顏魯公祠○費縣東門外宋職方員外郎曹輔碑云公有廟在費東五十里諸滿村元祐六年楊元永爲邑建新廟于此定海主簿秘書省校對黃本書籍秦觀書丹碑陰復刻米芾書云公之使賊也謂餞者曰吾昔江南遇道士陶八八得刀圭碧霞餌之自此不衰嘗云七十後有大厄當會我于羅浮山此行幾是後公死于賊歸葬偃師北山有賈人至羅浮山觀道士奕託書至偃師北小顏家及往訪之則塋也守冢蒼頭識公書大驚家人卜日開壙棺已空矣元祐二年九月余游吳興適觀邦人新公之祠因得謁拜公像嘗閱洛中紀異載公前事刻于碑陰以貽續仙傳者

云又王仁裕玉堂閒話載公遭難後十餘年家僕于洛京見公衣白衫張蓋歸城隅菜園有破屋數間僕隨入拜之公出懷中金十兩以寄其家戒僕勿與人言公之子亟至但見滿目榛蕪而已時人皆云魯公尸解得道然此或卽一事而記有異同公英烈之氣在天地間非仙卽神則無足疑者

二疏宅○嶧州東四十里羅滕城墓亦在焉城周五六里土人指以爲宅按二疏歸鄉里顧有舊田廬娛樂終身不爲子孫增益產業寧有如是之宅乎卽城內古寺其故基也海州有景疏樓

絃歌堂○滕州公署後子游之武城近在州東故取名

齊乘

卷之四

三

宋人有鄒堂以山谷鄉採取名又有公堂見坡記今並廢

性善書院○滕州城內

伏羲廟○滕州染山愚按顓臾風姓實司太皞之祀鄒魯有廟是也伏羲都陳謂州東鳧山有墓則非也

陶朱公廟○滕州陶山按陶本作桃卽古之華采山也後人因陶之訛遂以祠陶朱

趙盾祠○滕州高山唐元和志盾祠在絳州太平縣宋會要在府州府谷縣皆晉地今此有祠何也且宣子固晉之賢大夫董狐以其亡不出境還不討賊爲法受惡書曰弑君孔子韙之所以戒萬世亂臣賊子之黨也後世乃廟而祝之賊黨何所懼乎盾祠當毀又

宇記長清縣東北有盾墓亦後人附會自
宋有天下譜系趙孤祠墓之衍蓋由此也

子思書院○鄒縣城內

鄒國公廟○鄒縣城內地名因利溝謂卽孟子故宅宋
元豐五年封政和五年詔孟子廟以樂正子配享公
孫丑以下從祀其封爵樂正子克利國侯公孫丑壽
光伯萬章博興伯浩生不害東阿伯孟仲子新泰伯
陳臻蓬萊伯充虞昌樂伯屋廬連奉符伯徐辟仙源
伯陳代沂水伯彭更雷澤伯公都子平陰伯咸丘蒙
須城伯高子泗水伯桃應膠水伯盆成括萊陽伯季
孫豐城伯子叔承陽伯

靈貺廟○鄒縣嶧山神祠宋大中祥符元年封靈巖侯

齊乘

卷之四

三

崇寧四年賜額

齊乘卷四

益都李文濤秋水校

齊乘卷四考證

古蹟

四曰志聞碑銘詩說終焉。按于氏所云志聞亦如近世府縣志有藝文一類而今本止存城郭亭館邱壠三類竝無碑銘詩說等文是此編特草創之本未爲完書故舛誤有所不免也第四卷風土有風俗而無土產亦僅見于總序云

廣縣城

元魏嘗以置青州。按水經注陽水東北流逕廣縣故城西舊青州刺史治亦曰青州城此謂西漢刺史治東漢則郡國志曰臨菑刺史治矣晉初治臨淄浴後

齊乘考證

卷之四

一

漢之舊義熙中自廣固移治東陽城後魏書曰青州司馬德宗治東陽魏因之是也于氏于沿革云漢置青州刺史不常所理此又云元魏以廣縣置青州不知元魏青州治東陽史有明文廣縣晉初已廢豈得更爲刺史治乎酈注所言故城舊治皆漢代遺跡太守理臨淄刺史治廣縣則不可謂無常理也

石槽城

杜注齊國東安平縣有紀季墓。按杜云酈紀邑在齊國東安平縣不言有季墓

朱虛城

記云當作寰宇記

王胡城

元朔元年封菑川王子胡為益仰侯。按漢書王子侯表胡以元朔二年封

豐城

輿地記本漢菑川國城。按水經注益縣故城即南豐城又壽光南三十里之劇城為菑川國治安得別有豐城本漢菑川國乎于氏說誤

樂望城

漢宣帝封膠東王子先為樂望侯。先漢書作光

延鄉城

野溝水出此。水經注作蓋野溝

齊乘考證

卷之四

二

漢元帝封李譚延鄉侯。按漢書功臣表譚以成帝永始四年封

廢濟陽城

故城在縣北九十餘里。謂高苑縣北。按濟陽廢縣即今之

鄒平縣治樂氏寰宇記云在州北九十四里者謂淄

州淄川縣之北據元和志亦當作西北也于氏誤以

為在高苑北九十餘里則其去濟水遠矣。今小清河為濟水故

道

博昌古城

西對古城即延鄉也。按于氏前云延鄉在樂安西北則處博昌之東矣此又云西對古城為延鄉皆臆揣

也

利城

樂安西北二十里。按水經河濟下流皆過利縣又東北入海故城在今博興縣東南四十里地名利城鎮元代當屬樂安縣境也

昌安城

安邱縣之外城漢石泉城後漢併入昌安在縣西南十里寰宇記謂之安昌城又云西南十二里有安邱城實一城耳。按寰宇記石泉故城在安邱縣西南六十里漢安邱縣城在縣西南二十里與于氏所引里數不合又按水經注云濰水又北逕石泉縣故城西

齊乘考證

卷之四

三

又北逕平昌縣故城東濰水過安邱東界故安邱縣志謂漢平昌在今諸城安邱之交地名柴溝則石泉非縣西南亦不止十里可知當作東南六十里水經注又云

濰水又北昔韓信與龍且陣于此水西有厲阜又北逕昌安縣故城東厲阜在今安邱東五十里昌安縣在其北則不得為縣之外城矣唐輔唐縣治昌安城非今縣理于氏誤引

寰宇記耳水經注又云汶水又東逕安邱縣故城北城對

牟山牟山在今安邱西南十五里則漢安邱城自在今縣西南石泉城在東南昌安城在東各不相涉于氏以為一城殊混

平昌故城

漢平昌縣屬琅邪。按安邱縣志漢平昌城在柴溝爲諸城界又引隋志云郿城舊置平昌郡後齊廢郡置琅邪縣大業初改名郿城卽漢之梧成縣非平昌也則此條所謂平昌故城乃後魏之平昌郡下云郿城在安邱西南六十里者實一城也以爲漢平昌縣誤矣

淳于城

至文公又遷居淳于號州公春秋州公淳于如曹是也。按左傳正義引世本云州國姜姓春秋經書州公傳言淳于公杜解云淳于州國所都是也杞并淳于在州公不復之後非杞伯別號州公而又妄造州公齊乘考證

卷之四

四

淳于之稱亦爲不通矣。周亦封于牟婁。按春秋莒人伐杞取牟婁杜解但云杞邑蓋杞之初封本在開封府杞縣牟婁非其都也于氏謂周封杞于此誤

城陽城

漢城陽國亦曰龍臺城。按水經注平昌縣故城東南角有臺臺下有井與荆水通昔嘗有龍出入其中故世亦謂之龍臺城是龍臺城卽平昌故城矣漢城陽國都莒卽今莒州與龍臺城初不相涉而牽合爲一可怪也

黔陬城

高密縣西六十里。按今膠州故黔陬地而高密在其西北此云黔陬在西誤矣水經膠水北過黔陬縣西又北過夷安縣東夷安今高密則黔陬當在縣之東南郡國縣道記所謂在今郡東北百一十里者指諸城言耳今膠州在唐及宋初爲高密之坂橋鎮元祐三年始置膠西縣故寰宇記云黔陬城在諸城東北計斤城在高密東南也于氏當元世已立膠州則黔陬自應云在州南而仍以高密繫之非是

高密西南四十里。寰宇記作五十里

龍且城

夷安城

古維國。當作古夷國

高陽城

寰宇記高密縣西北三十四里

五

齊乘考證

漢成帝封淮陽王孫竝爲侯一名膠陽亭。按漢書地

理志膠陽侯恁高密頃王子以成帝建始二年封三十

表膠陽侯恁高密頃王子以成帝建始二年封三十

九年至王莽篡免侯而高陽侯竝封于平帝元始元

年時高密王子恁正侯膠陽其不得爲一國踴甚水

經注膠水又北逕膠陽縣東又東北會張奴水據其

地適在高密之北則此城爲膠陽故縣無疑疏俗以

膠音近高因譌其讀而寰宇記遂附會侯竝封國又

以平帝爲成帝于氏承之其誤宜矣

阜虞城

節墨東。寰宇記作東北

又西有祝茲城。按水經注膠水出膠山北逕祝茲城東恐不應在卽墨境內

壯武城

古夷國。按杜解左傳夷國在城陽莊武縣卽壯武通志則云夷都夷安考夾深自注蓋謂晉壯武治夷安城也

團城

沂水東北三十里隋于此置沂水縣後廢爲鎮。按水經注沂水又東南逕東莞縣故城西東燕錄謂之團城魏南青州治寰宇記云縣理城本漢東莞縣城也南燕于此置團城鎮隋開皇十六年于此置沂水縣

齊乘考證

卷之四

是團城卽漢東莞縣城且爲今沂水治矣于氏于郡邑旣云漢東莞縣卽今縣城而此條又云團城在沂水東北三十里豈以水經注鄆亭在團城東北四十里因誤指鄆亭爲團城與南燕團城鎮前于開皇之置縣二百年而謂隋縣後廢爲鎮亦誤

蓋城

沂水西。寰宇記作西北

向城

沂水西南。當作沂州西南

開陽城

邠國風姓。當作妘姓

光武建武四年封子京爲琅邪王。按後漢書京以建武十五年封琅邪公十七年進爵爲王此云四年封誤

鍾離城

東海戚胸有此邑。按漢書注劉德曰東海胸南有此邑戚別爲縣不當與胸連文

昧曰吾死公隨手矣。按史記曰吾今日死公亦隨手

亡矣漢書曰吾今死公隨手亡矣脫一亡字似不可

通漢所不取楚所下亦脫以字

古費城

古費伯國。左傳隱元年費伯帥師城郕杜云費伯魯

齊乘考證

卷之四

七

大夫二年司空無駭入極費片父勝之杜云片父費

伯也則費爲片父采邑非國也自寰宇記以爲費伯

國誤

古鄆城

大業二年移蘭陵郡理此。按隋志蘭陵郡開皇初廢

大業初改承縣爲蘭陵縣無置郡之文于氏說誤

郟城

郟城南。兗州府志在滕縣東一里

偃陽城

後漢爲傳陽縣屬彭城。按漢書地理志楚國有傳陽故偃陽國不必後漢始有

濫城

後漢建安中曾于此立昌慮縣。按三國志建安三年

分東海為昌慮郡此蓋誤以郡為縣也

或又名戚城漢戚胸縣亦屬東海。按兗州府志漢戚

縣故城在滕縣南七十里周回四里非即東南之濫

城也又按漢志東海郡有戚有胸胸縣故城在今海

州西南于氏合戚胸為一縣誤

古邾城

又十四世至邾文公。衍又字

鄒城

嶧山南二里。疑即邾城于氏誤分為二據寰宇記則

齊乘考證

卷之四

漢以鄒城為南平陽者乃孔子父叔梁公所治之邑

後魏地形志鄒縣有叔梁紇城即樂記之鄒城矣

逢陵城

逢伯陵逢蒙逢丑父。按逢字左傳釋文無音杜氏通

典逢伯陵音蒲江反孫氏孟子音義逢蒙音薄江切

字竝从夆不从夆然考說文無逢字則姓氏亦當作

逢蓋江韻本與東冬鍾為一部薄江之切古音即薄

工切也當以从夆音蓬者為正矣

反蹤城

魏景初二年。寰宇記作三年

古濟南郡城

長山西北漢濟南郡理。按通典及寰宇記皆有此城。歷城縣志以爲由濟南都尉治於陵而誤然於陵故城旣在長山縣南豈容西北別有都尉治所則非由。此致誤也。蓋隋志長山下之濟南縣今雖爲鄒平地而舊屬長山故譌縣爲郡因附會漢代耳。此條當刪去併入隋濟南城。

曲成城

隋末廢。當云後齊廢隋志掖縣後齊併曲城當利二縣入焉。

當利城

萊州西南四十里。寰宇記作三十六里。

齊乘考證

卷之四

九

陽樂城在當利北。寰宇記引十三州志云在當利縣東北二十里。

陽石城在當利南。按寰宇記在掖縣南當利故城東于氏蓋誤以掖爲當利。

廢昌陽城

隋大業間築。按寰宇記漢昌陽縣故城在文登縣西南三十里舊唐書以隋縣爲漢古城誤。

長廣城

高齊置長廣郡于中郎城後移郡于膠東此城遂廢此卽中郎故城耳。按元和志中郎故城在黃縣東一百步後魏于此置東牟郡而長廣郡自治膠東城在

今平度州東南元膠水縣後齊天保七年廢東牟郡自膠東城移長廣郡入中郎城又移長廣縣于膠東城併卽墨入焉後魏地形志長廣縣有卽墨城康王山祠金泉山皆在今平度州東是魏分卽墨東境置長廣縣故後齊與卽墨省併爲一通名長廣也隋改爲膠水夫長廣郡治中郎城終高齊之世旣未嘗改移而膠東城自爲長廣縣亦非郡治況所移乃後魏之縣與此條長廣故城爲漢縣者無干于氏不察誤以後齊之長廣郡爲漢縣而以其縣爲郡于是黃縣東一百步之中郎城與萊陽縣東五十里之長廣城遂混而一之矣

齊乘考證

卷之四

十

平度城

膠水縣西北六十里。寰宇記作六十七里

故牟平城

高齊移縣置馬嶺山。寰宇記高齊移牟平縣于今黃縣東七十三里馬嶺山南置

古萊子城

當作古黃縣城漢縣城也

徐鄉城

成帝封膠東恭王子炆爲侯。恭漢書作其又按王子侯表徐鄉下有齊字當屬齊郡恐是鄉聚之名非東萊屬縣也

士鄉城

鄭康成謂云云。康成下當有傳字此孔北海告高密縣教非康成之言

東牟城

文登縣西北十里。元和志作一百十里寰宇記脫去百字

不夜城

文登東北八十里。元和志作八十五里。隋亂土豪李蒲據城歸唐。元和志作李滿新舊唐書俱作李義滿唯寰宇記作蒲蓋傳寫之誤

東平陵城

齊乘考證

卷之四

十一

李君求。舊唐書作君球義滿之子通典寰宇記作求此城唐為州治。全節非東平陵于氏以為一城誤辨見郡邑

帝乙乃武乙之子。按史記帝乙乃太丁子武乙孫平陵西北十五里有廢奉先縣城。按奉先無此縣名歷城縣志以為全節之譌是也

鮑城

濟南東三十里。寰宇記作三十四里

臺城

濟南東北十三里。歷城縣志曰水經濟水又東逕華不注山又東北過臺縣北華不注山已去今縣城十



五里齊乘乃謂臺城在東北十三里詳求其故蓋不知寰宇記所謂臺城在縣北一十三里乃蒙上廢全節縣而言也以此求之則與水經通典合矣通典全節縣下

云漢臺縣故城在今縣北

又有平臺城漢縣也在臺城北五十餘里。按漢志濟南郡無平臺縣刻本或以鄒平縣之平字屬下臺字而鄒下誤空一格故于氏分臺與平臺為二說見郡邑鄒平縣下歷城縣志曰寰宇記誤以臺為平臺齊乘遂竟分為二其誤不自齊乘始也

營平城

濟南東三十里。寰宇記引三齊記作四十里此從述

齊乘考證

卷之四

三

征記又按歷城縣志以營城為隋縣非漢營平謂之統志以營平在今縣城西是為近之而未詳所本今考一統志所云營城在縣西二十七里即營平邑者乃引寰宇記之文亦蒙上廢全節縣而言非今縣城西也營城縣隋開皇十六年置三齊記述征記二書皆前乎此而已有營城之名則其為營平之省文無疑義矣

祝柯城

西北有野井亭。杜解左傳野井亭在祝阿縣東

甯戚城

漢武封魯恭王子恬為寧陵侯之邑。恭漢書作共寧

陵作寧陽

樂安城

此蓋漢元帝封匡衡侯國。按水經注臨濟縣故狄邑也地理風俗記云樂安太守治蓋西漢千乘郡治千乘故城在今高苑北東漢樂安國治臨濟則寰宇記云故樂安城在臨濟縣東北八十里是也唐宋濟南郡之臨濟在章邱北為漢東朝陽縣地而臨濟故城在其東境故隋改朝陽為臨濟取漢舊名也于氏不知樂安城即故臨濟而猥以匡衡所封當之衡所封為臨淮僮縣之樂安鄉與千乘濟南何涉乎

亭山城

齊乘考證

卷之四

三

章邱西南六十里。濟南府志作四十里

宋元嘉中于此置濟南縣屬頓邱。按宋書州郡志無濟南縣元和志云宋于此置衛國縣屬頓邱郡開皇六年改為亭山縣隋書地理志云亭山舊曰衛國蓋頓邱衛國皆僞立郡縣後人不察遂譌其名矣濟南府志亦云宋置濟南縣

梁鄒城

鄒平東南二十五里漢梁鄒縣。此據寰宇記按元和志景龍元年于漢梁鄒城置濟陽縣而宋史地理志云景德元年移鄒平治濟陽廢縣故胡鼎明禹貢錐指謂今之鄒平縣治即漢梁鄒故城唐置濟陽縣者

也寰宇記作于太平興國中鄒平縣尚沿唐舊治今縣之西北爲齊東縣界則謂梁鄒城在東南三十五里者據唐縣而言耳宋景德後徙鄒平治唐濟陽廢縣金元以來皆因之齊乘于郡邑當云今鄒平縣治卽漢梁鄒故城乃誤于古蹟別存梁鄒城以唐縣相距里數移指今治疎矣前鄒平故城下言在今縣西南二十里爲唐武德初置者亦同此失。濟陽在濟水北與水經過梁鄒北不合蓋川瀆流移耳

濟北城

長清縣西三十里。此隋志濟北縣城盧縣城乃爲濟北郡治城上當加縣字以別于郡國

齊乘考證

卷之四

十四

鬲城

德州西北。按元德州卽今陵縣鬲城德平志云在縣東則西南距陵縣八十里也

般城

寰宇記在德平縣東北二十五里濟南府志云三十里
厭次古城

德州東北二十里本漢富平縣明帝更名厭次。按水經注敘商河所逕自平原安德下歷平昌般縣樂陵勃縣馬嶺城始逕富平縣故城北引應劭曰明帝更名厭次又云史記高祖功臣侯者年表高帝六年封元頃爲侯國徐廣曰漢書作爰類是知厭次舊名非

始明帝蓋復故耳據此則富平縣在馬嶺城東卽厭次故城不容于安德今陵縣東北別有厭次而齊乘云云蓋因寰宇記安德縣東四十里有東方朔祠以朔爲厭次人故有此附會濟南府志遂以在陵縣神頭鎮者爲西漢之厭次明帝更富平爲厭次縣者乃東漢之厭次其意似謂西漢富平縣非卽厭次不知水經注云富平縣西有東方朔冢冢側有祠是則厭次富平名有更易地無遷改陵縣故安德曾爲平原郡治以曼倩平原人故郡治亦有祠廟何預厭次之城乎

龍興寺

齊乘考證

卷之四

五

唐封演見聞記云青州南城佛寺舊傳孟嘗君宅。見聞記當作聞見記南城封氏本書作城南

寺有北齊八分碑碑陰大刻四字曰龍興之寺蓋唐人續刻者。按此四字本李北海書龍興寺額金皇統中摹刻于婁定遠像碑之陰左方有濟南孫愨題跋于氏偶未見耳

石刻布衣張在詩。按歸潛志孫鐸再授戶部尙書于聽事壁間書唐人詩云云卽此詩也唯次句又字作未而誤以宋爲唐金史則云對賀客誦古人詩蓋知其非唐人而不能的指其爲宋也第三句君家金史作庭前澠水燕談錄載此詩次句作年少尋芳日幾回教授畢仲愈作畢仲甫

表海亭

自歐陽文忠公知青州已有詩近代任君謨詩有石刻
兵後不存有錄之者竝載于後。按此云竝載于後
卽總序所謂志闕也今本無

國王廟

王名木華里。元史作木華黎

羅漢洞

府西山中疑卽齊記補所載七級禪寺。按水經注陽
水逕七級寺禪房南敘于石井水北注陽水之下不
應在山中豈齊記補別有七級寺但取舊名與

常將軍廟

齊乘考證

卷之四

六

沈亞之沂水雜記云沂南流入清。按宋史謂泗水爲
南清河據此則唐人已有是稱

孔北海祠

宋太守安陽韓公建。韓公名浩見萊州府志

蒼山廟

沂州南蒼山。水經注作倉山第二卷泲水條下從水
經注

鄒國公廟

浩生不害東阿伯。宋史禮志作告子不害